



ACM14: Bariau tywod a graean gorllewinol



Golygfa o gydran ogleddol ardal Carn Llidi yn SCA14 gyda SCA13 a SCA28 yn y canol

**Disgrifiad Cryno**

Mae'r ardal yn cynnwys môr uwchben dau far graeanllyd alltraeth yn rhedeg yn gyfocrog â'r forlin, gan adlewyrchu llyf y llanw. Maent wedi eu lleoli i'r gogledd orllewin o Benhyn Tyddewi ac i'r gorllewin o Fae y Santes Ffraid / i'r gogledd o'r Smalls yn y drefn honno. Maent yn gymharol fas o'u cymharu â gwely'r môr sy'n eu hamgylchynu, ond dim ond y gogledd sy'n fas, ar ddyfnder o tua 10m. Maent yn agored i wyntoedd y gorllewin ond ni chofnodwyd unrhyw longdrrylliadau yma.

**Nodweddion Allweddol**

- Dau far hirfain o dywod graeanllyd yn gorwedd ar wely'r môr yn gyfochrog â'r morlin mewn llinell â llif y llanw ac yn fwy bas na'r moroedd o gwmpas.
- Mae i'r bar gogleddol don straen uchel ac mae'n cyrraedd dyfnder o 10m.
- Mae i'r bar deheuol don straen isel ac mae'n cyrraedd dyfnder o 50m.
- Does dim llongdrylliadau yn yr ardal.
- Rhan o SAC Morwedd Sir Benfro.
- Defnyddir yr ardal ar gyfer pysgota a byddai llongau masnachol yn croesi'r ardal ddeheuol.
- Byddai'r tir yn weladwy i'r dwyrain, yn enwedig o'r ardal ogleddol, ac mae'r ardaloedd yn ffurfio rhan o'r olygfa nas difethwyd oddiar yr arfordir.
- Ardal o fôr agored o gymeriad morol syml, cyson ac unedig nas difethwyd ar raddfa eang iawn, gydag ymdeimlad arwyddocaol o fod yn agored, yn unig a noeth.
- Mae nodweddion y ddwy ardal yn cael eu pennu bron yn gyfangwbl gan rymoedd naturiol dŵr, drwy ymchwydd y môr a'r tonnau, a'r gwynt.

**Dylanwadau ffisegol**

Dau far alltraeth o dywod graeanaid, hirfain yn gyfochrog â'r forlin a set o gerhyntau llanwol (gogledd ddwyreiniol - de orllewin alltraeth o'r Bishops and Clerks; gogledd-gogledd-ddwyrain dwyrain - de-dde o Gwales a'r Smalls) ac yn ffurfio beisleoedd (<10m mewn ardal o ddyfnder 60 m; <50m mewn ardal o ddyfnder 70m). Mae'r bar mwy gogleddol, bas iawn yn gogwyddo'n gymhedrol (1-10°) i'r gwely môr sy'n ei amgylchynu ac wedi'i orchuddio gan foroedd sy'n agored i don straen uchel. Mae'n gorchuddio creigwely tywodfaen Paleosöig Isaf wedi'r ffawtio yn erbyn y Permo Triasig. Mae'r bar dyfnach ar ogwydd llai (<1°) ac wedi'i orchuddio gan foroedd o don straen isel. Tywodfeini a cherrig llaid o'r Paleosöig Uchaf yw'r creigwely gwaelodol. Mae'n bosib y bydd gwaddod y bar bas iawn yn cael ei effeithio ar gan gynnwrf storm.

Mae darn deheuol pob ardal yn rhan o SAC Morwedd Sir Benfro.

**Dylanwadau diwylliannol**

Mae'r ardal yn gysylltiedig â masnach morol ond ni chofnodwyd unrhyw longdrylliadau yn yr ardal. Mae pysgota môr yn digwydd yma. Mae pysgota yn yr ardal yn cynnwys rhwydi gosod, gwichiaid moch, potio cimychiaid a chrancod gyda'r potensial am dreillio ysgafn. [Yn y gorffennol rhoddwyd trwydded Rownd 24 i'r ardal ar gyfer olew a nwy a gellir gwneud ceisiadau yn y dyfodol.](#)

**Ansoddau esthedig, canfyddiadol a phrofiadol**

Ni ymwelwyd â'r ddwy ardal hon. Mae'r un ogleddol tua 5km o'r arfordir agosaf a'r un ddeheuol tua 13km. Y disgwyl yw y byddai'r bryniau uwch megis Carn Llundain neu Garn Llidi a thopiau'r clogwyni i'w gweld fel llinell un dimensiwn ar y gorwel pan fo'r gwelededd yn weddol /dda neu'n well. Serch hynny, yr ymdeimlad yn yr ardal byddai un o fôr agored ymhell o ddylanwad y tir, yn hytrach na'r cysylltiad gweledol hyn.

Mae i'r ardal gymeriad syml, cyson ac unedig ar raddfa eang iawn, gydag ymdeimlad arwyddocaol o fod yn agored, yn unig a noeth. Mae ei ansoddau yn cael eu pennu bron yn gyfangwbl gan rymoedd naturiol dŵr, drwy ymchwydd y môr a'r tonnau a'r gwynt. Mae'r ardal yn agored i wyntoedd o'r de-orllewin ac ar adeg tywydd garw mae'r môr yn debyg o deimlo'n fgythiol. Mae na debygolrwydd cryf o dawelwch ac ymdeimlad o wylltineb a phellenigrwydd yn y môr agored hwn.

Bydd y nifer o longau hamdden yn gyfyngedig, ond efallai bydd ambell i gipolwg o longau masnach yn defnyddio'r llwybrau môr i'r gorllewin neu wedi'u hangori yn nwyrain yr ardal ddeheuol o gwmpas Bae Sain Ffraid.

**Buddion a gwasanaethau diwylliannol**

Mae'r ardal yn cyfrannu at wasanaethau hamdden ar ffurf adloniant morol, i dreftadaeth

naturiol ar ffurf ardal forol o'r môr ac o wely'r môr nas difethwyd ac i wasanaethau ysbrydol o ran yr ymdeimlad o wylltineb a chyswllt â natur.

Grymoedd am newid								
Crynodeb	Grymoedd Allweddol am newid							
<p>Llai o rymoedd am newid lle y mae'r dyfroedd yn ddyfnach.</p> <p><a href="#">Byddai trwyddedau ar gyfer olew a nwy yn y dyfodol yn newid cymeriad yr ardal pe bai'n cael ei datblygu.</a></p> <p>Yn y dyfodol efallai y bydd pwysedd am dynnu tywod o'r bar tywod mwy bas.</p>	Nodweddion Arbennig	Prosesau naturiol/newid yn ymdeimlad	Pwysedd ymwelwyr	Defnydd morol - masnachol a	Egni neu fwynau ar y môr	Pwysedd datblygiad	Newid mewn rheolaeth tir	Defnydd gan y Weinyddiaeth
	Ysblander yr arfordir							
	Ynysoedd							
	Amrywiaeth yn y tirlun							
	Pellter, llonyddwch ac Ardal Wyllt							
	Daeareg Amrywiol							
	Cyfoeth o Gynefinoedd a Bioamrywiaeth							
	Cyfoeth o Archaeoleg							
	Cymeriad Nodweddiadol yr Aneddiad							
	Trefnadaeth Ddiwylliannol							
	Mynediad at y Parc							
	Lle i Anadlu							
	Allwedd							
			Newid i'r ardal sy'n effeithio ar y nodwedd arbennig ddewisol					
Sensitifeddau Allweddol								
Ffactorau sy'n cyfrannu at sensitifrwydd				Ffactorau sy'n tynnu oddiar sensitifrwydd				
<p>Cymeriad syml, agored gwyllt ac anghysbell gyda golygfeydd o'r arfordir gorllewinol a'r ynysoedd.</p> <p>Mae'n ffurfio rhan o osodiad agored yr arfordir gorllewinol a'r ynysoedd, gyda Pharc Cenedlaethol Arfordir Penfro yn edrych drostynt, yn cyfrannu at yr ymdeimlad o bellenigrwydd a gwylltineb yn yr ardaloedd hyn.</p> <p>Gwerth cadwraeth natur morol i ran o'r ardaloedd.</p> <p>Mae Llwybr Arfordir Penfro yn dderbynydd sensitif, yn edrych dros yr ardal o bellter.</p>				-				

